

6. gr.

Sveitarstjórn ákveður, að fengnum tillögum tæknideildar sveitarfélagsins og framkvæmdaaðila tíðni söfnunar úrgangsefna. Söfnun lífrænna úrgangsefna verði að jafnaði vikulega og aldrei sjaldnar en á 14 daga fresti. Ákvörðun um tíðni skal tilkynnt íbúum og fyrirtækjum sveitarfélagsins, svo og ef um breytingar er að ræða, með hæfilegum fyrirvara.

7. gr.

Sveitarstjórn er heimilt að setja gjaldskrá að fenginni umsögn heilbrigðisnefndar Norðurlands vestra til að standa undir kostnaði við söfnun úrgangsefna. Gjöld mega aldrei vera hærri en nemur rökstuddum kostnaði við veitta þjónustu og framkvæmd eftirlits með einstökum þáttum. Sveitarfélagið skal láta birta gjaldskrána í B-deild Stjórnartíðinda.

8. gr.

Hafi húsráðandi fram að færa kvörtun vegna söfnunar úrgangsefna skal hann koma slíkri kvörtun á framfæri til eftirlitsaðila verksins.

9. gr.

Með brot á samþykkt þessari skal farið samkvæmt ákvæðum laga um hollustuhætti og mengunarvarnir nr. 7/1998.

10. gr.

Framangreind samþykkt sveitarstjórnar Húnaþings vestra staðfestist hér með samkvæmt 25. gr. laga nr. 7/1998, um hollustuhætti og mengunarvarnir, með síðari breytingum, til að öðlast gildi þegar við birtingu.

Umhverfissráðuneytinu, 9. mars 2000.

F. h. r.

Ingimar Sigurðsson.

Sigríður Stefánsdóttir.

AUGLÝSING

um gjaldskrá (4) fyrir meðferð húðsjúkdóma, veitta af öðrum en læknum.

1. gr.

Tryggingastofnun ríkisins greiðir sérstökum göngudeildum undir eftirliti lækna fyrir meðferð húðsjúkdóma samkvæmt eftirfarandi reglum.

a. Greiðsla fyrir hverja meðferð:

B-geislar, B- og A-geislar, með eða án smyrsla

kr. 700,00

2. gr.

Tryggingastofnun ríkisins greiðir sérstökum göngudeildum sem hlotið hafa viðurkenningu heilbrigðis- og tryggingamálaráðuneytisins á því að meðferð sé veitt undir sérstöku eftirliti sérfræðinga í húðsjúkdómum og þar sem einungis ljóstækjum með stillanlegu geisla-magni er beitt.

- b. Greiðsla fyrir hverja meðferð:
- | | |
|--|--------------|
| B-geislar, B- og A-geislar, með eða án smyrsla | kr. 850,00 |
| PUVA meðferð | kr. 3.200,00 |
- c. Meðferðaraðilum skv. 2. gr. er heimilt að innheimta gjald af sjúklingi fyrir hverja meðferð sem hér segir:
- | | |
|--|------------|
| B-geislar, B- og A-geislar, með eða án smyrsla | kr. 200,00 |
| PUVA meðferð | kr. 300,00 |

3. gr.

Þegar reikningum er framvísað til greiðslu skal fylgja þeim tilvísun frá lækni, sérfræðingi í húðsjúkdómum þar sem því verður við komið, fyrir sérhvern nýjan sjúkling.

Framvísa þarf nýrri tilvísun hálfárslega sé um stöðuga meðferð að ræða, annars þegar meðferðartímabil hefst.

4. gr.

Gjaldskrá þessi, sem sett er skv. 2. gr. reglugerðar nr. 660/1998 um greiðslur Tryggingastofnunar ríkisins fyrir meðferð húðsjúkdóma, veitta af öðrum en læknum, gildir frá og með 1. mars 2000. Jafnframt fellur úr gildi gjaldskrá skv. auglýsingu nr. 910 frá 20. desember 1999.

Heilbrigðis- og tryggingamálaráðuneytinu, 15. febrúar 2000.

Ingibjörg Pálmadóttir.

Jón Sæmundur Sigurjónsson.

AUGLÝSING

um deiliskipulag í Eyjafjarðarsveit.

Sveitarstjórn Eyjafjarðarsveitar hefur samkvæmt 1. mgr. 25. gr. skipulags- og byggingarlaga nr. 73/1997 samþykkt eftirfarandi deiliskipulagstillögur:

Tillögu vegna skógræktar og byggingar þriggja sumarhúsa á 4,9 ha spildu úr landi Hleiðargarðs.

Tillagan var samþykkt á fundi sveitarstjórnar þann 23. ágúst 1999.

Tillögu að íbúðabyggð norðan núverandi Reykárhverfis við Hrafnagil. Þar er gert ráð fyrir 11 einbýlishúsum, tveimur parhúsum og tveimur raðhúsum eða samtals 21 íbúð.

Tillagan var samþykkt á fundi sveitarstjórnar þann 14. september 1999.

Tillögu vegna skógræktar og byggingu aðstöðuhúsa í landi Háls. Þar hafa verið afgirtir 165 ha lands og svæðinu deilt í 48 misstórar skógræktarlóðir.

Tillagan var samþykkt á fundi sveitarstjórnar 18. janúar 2000.

Deiliskipulagstillögur þessar, sem allar hafa verið auglýstar og yfirfarnar af Skipulagsstofnun með þeim hætti sem lög ákveða, öðlast þegar gildi.

Eyjafjarðarsveit, 7. mars 2000.

Bjarni Kristjánsson sveitarstjóri.